

<<Հայոց եկեղեցու պատմություն>>

11-րդ դասարան

№ 1-8

Ընտրովի պատասխանով առաջադրանքներ

1. Ի՞նչ պատվիրեց հրեշտակը մոզերին. (0.5 միավոր)

- 1) Ողջ մարդկությանը հայտնել Հիսուս Քրիստոսի ծննդյան ավետիսը
- 2) Մանուկ Հիսուսին, Մարիամին և Հովսեփին ուղեկցել Եգիպտոս
- 3) Իրենց երկրները վերադառնալ այլ ճանապարհով և Հերովդեսին չհայտնել մանուկ Հիսուսի գտնվելու վայրի մասին
- 4) Հիսուս Քրիստոսի ծննդյան մասին տեղեկացնել Օգոստոս կայսրին

2. Ինչպե՞ս է կոչվում եկեղեցու օծման հանդիսավոր արարողությունը.

(0.5 միավոր)

- 1) Նախատոնակ
- 2) Տնօրհներք
- 3) Հիմնօրհներք
- 4) Նավակատիք

3. Գյուտ Ա Արահեզացի կաթողիկոսը հայ ո՞ր մեծանուն գործչին նշանակեց Բագրևանդի եպիսկոպոս.

(0.5 միավոր)

- 1) Ղազար Փարպեցուն
- 2) Մովսես Խորենացուն
- 3) Եզնիկ Կողբացուն
- 4) Եղիշեին

4. Ո՞վ է <<Հաճախապատում ճառեր>> ժողովածուի հեղինակը. (0.5 միավոր)

- 1) Անանիա Ա Մոկացին
- 2) Ս. Գրիգոր Լուսավորիչը
- 3) Ստեփանոս Ասողիկ Տարոնեցին
- 4) Անանիա վարդապետ Սանահնեցին

5. Պահլավունի տոհմի ո՞ր կաթողիկոսն է գահակալել ամենաերկարը.

(0.5 միավոր)

- 1) Գրիգոր Բ Վկայասեր
- 2) Ներսես Դ Շնորհալի
- 3) Գրիգոր Գ Պահլավունի
- 4) Գրիգոր Դ Տղա

6. Ո՞վ է. <<Ես գիտեմ, որ ոչինչ չգիտեմ>> արտահայտության հեղինակը.

(0.5 միավոր)

- 1) Պլատոն
- 2) Արիստոտել
- 3) Սոկրատես
- 4) Հոմերոս

7. Ի՞նչ են խորհրդանշում Խաչքարերի վրա պատկերվող հրեշտակը, առյուծը, եզը և արծիվը.

(0.5 միավոր)

- 1) Երվանդյան, Արտաշեսյան, Արշակունյաց և Բագրատունյաց արքայատոհմերին
- 2) հյուսիսային, հարավային, արևելյան և արևմտյան կողմերը
- 3) Մատթեոս, Մարկոս, Ղուկաս և Հովհաննես ավետարանիչներին
- 4) Մեծ Հայքի Այրարատ, Արցախ, Վասպուրական և Սյունիք նահանգները

8. Ո՞վ է այս խոսքերի հեղինակը. <<Ինքն ամեն ինչ պարունակում է, ամեն ինչի մեջ է, ամեն ինչից վեր է, ամեն ինչից դուրս է, ամեն ինչ նրանով է և ամեն ինչ նրա փառքի համար է>>:

(0.5 միավոր)

- 1) Դավիթ Անհաղթ
- 2) Ագաթանգեղոս
- 3) Եզնիկ Կողբացի
- 4) Գրիգոր Տաթևացի

Կառուցված պատասխանով առաջադրանքներ

9. ----- եկեղեցում գործածվող գրքերից է, որում նշվում են տարվա ընթացքում եկեղեցական տոների օրերը և կատարման կարգը: (1 միավոր)

10. 1889թ. Խորեն Աշրգյան պատրիարքի և Մաղաքիա արքեպիսկոպոս Օրմանյանի ջանքերով հիմնվում է -----ի դպրեվանքը, որն արևմտահայ իրականության մեջ իր ունեցած դերով և ծավալած գործունեությամբ համարժեք էր Գևորգյան ճեմարանի հռչակին: (1 միավոր)

11. Սյունյաց թեմի մետրոպոլիտ Ստեփաբոս Օրբեյանը իր <<----->> պոեմում բաղձանք էր արտահայտում Վաղարշապատում վերականգնված տեսնելու <<Թագավորի գահն ու կաթողիկոսի աթոռը>>: (1 միավոր)

12. Գրիգոր Տաթևացին իր ----- երկասիրությունում գրում է, որ զենքը թշնամիներին հալածելու համար է, և որ Աստված զինական արվեստի միջոցով մարդուն սովորեցրեց, թե ինչպես թշնամիներից պաշտպանվի: (1 միավոր)

№ 13-14

Համապատասխանեցում պահանջող առաջադրանքներ՝

յուրաքանչյուրը 4 փաստից

13. Ստեղծագործությունները համապատասխանեցնել հեղինակների անուններին. (1 միավոր)

- | | |
|---------------------|--------------------------------------|
| 1. Հովհաննես Օձնեցի | ա. <<Փիլիսոփայության սահմանումները>> |
| 2. Մխիթար Գոշ | բ. <<Ընդդեմ պավլիկյանների>> |
| 3. Եզնիկ Կողբացի | գ. <<Գիրք հարցմանց>> |
| 4. Դավիթ Անհաղթ | դ. <<Աղանդների հերքումը>> |
| | ե. <<Դատաստանագիրք հայոց>> |

1	
2	
3	
4	

14. Գույները համապատասխանեցնել միջնադարյան աստվածաբան հեղինակների նշած խորհրդաբանական իմաստներին. (1 միավոր)

- | | |
|------------|---|
| 1. կարմիր | ա. Աստվածային բնության անմատչելիությունը |
| 2. կապույտ | բ. Հանուն մարդու փրկության Քրիստոսի թափած արյունը |
| 3. սև | գ. Սրբերի մաքրությունն ու անարատ վարքը |
| 4. սպիտակ | դ. Հրեշտակների առաքինությունը |
| | ե. Սրբերի ճգնակեցությունը |

1	
2	
3	
4	

№ 15-16

**Ժամանակագրական հաջորդականության իմացություն պահանջող
առաջադրանքներ՝ յուրաքանչյուրը 5 փաստից**

**15. Հայոց եկեղեցու ներքոհիշյալ ժամերգությունները դասավորել ըստ
կատարման հաջորդականության. (1 միավոր)**

- ա) Ճաշու
- բ) Խաղաղական
- գ) Գիշերային
- դ) Հանգստյան
- ե) Արևագալի

1	
2	
3	
4	
5	

**16. Կաթողիկոսների անունները դասավորել ըստ գահակալման հաջորդա-
կանության. (1 միավոր)**

- ա) Մկրտիչ Ա Խրիմյան
- բ) Գարեգին Ա Սարգսյան
- գ) Խորեն Ա Մուրադբեկյան
- դ) Գևորգ Զ Չորեքչյան
- ե) Վազգեն Ա Պալճյան

1	
2	
3	
4	
5	

Աշխատանք սկզբնաղբյուրով՝ կազմված 2 հարցից

17. <<Ուրախությամբ հանձն առ մահը երկրի համար, ինչպես և քո քաջ նախնիքը, որովհետև դա արդար և Աստծուն ընդունելի գործ է, և երբ այդպես վարվեք, Աստված ձեզ անտես չի անի ... Աստվածապաշտ երկրի համար համարձակ մեռեք, որովհետև հենց այդ մահն Աստծու համար է>>:
(2 միավոր)

1) Ո՞ր պատմիչն է բերված հատվածի հեղինակը: (1 միավոր)

1) Ո՞ւմ խոսքն է հիշատակում պատմիչը: (1 միավոր)

№ 18-19

Տերմինների, հասկացությունների, պատճառահետևանքային կապերի, փաստերի իմացություն և խմբավորում պահանջող առաջադրանքներ, 2 ճիշտ պատասխանով

18. Թվարկվածներից որ երկուսը կարող են ամուսնալուծության պատճառ հանդիսանալ. (0.5 X 2 = 1 միավոր)

1. Ունեզրկումը
2. Անզավակությունը
3. Ամուսիններից որևէ մեկի յոթ և ավելի տարի անհայտ բացակայությունը
4. Ամուսիններից որևէ մեկի հիվանդանալը
5. Ամուսիններից որևէ մեկի մինչև ամուսնությունը թաքցրած անբուժելի խելագարությունը կամ դիվահարությունը
6. Կենցաղային վեճերը

19. Բերված փաստարկներից ո՞ր երկուսն են ճիշտ: (0.5 X 2 = 1 միավոր)

- 1) Ամեն տարի մայիսի 26-ին Հայոց եկեղեցին տոնում է Վարդանանց տոնը:
- 2) Ծաղկազարդի տոնը նվիրված է Գաբրիել հրեշտակապետի կողմից Մարիամ Աստվածածնին հայտնած լուրին:
- 3) Հայոց եկեղեցին Սուրբ Ծննդյան տոնը տոնում է դեկտեմբերի 25-ին:
- 4) Վարագա Սուրբ Խաչի տոնը Հայոց եկեղեցին տոնում է սեպտեմբերի 28-ի մերձակա կիրակի օրը:
- 5) Շողակաթի տոնը նվիրված է Մայր տաճարի նավակատիքի հիշատակին:
- 6) Պայծառակերպության տոնը նվիրված է քառասնօրյա Հիսուսին տաճար բերելուն:
- 7) Մարիամ Աստվածածնի Վերափոխման տոնը ժողովրդի մեջ հայտնի է Վարդավառ անունով:

A series of 25 horizontal dashed lines spanning the width of the page, providing a template for handwriting practice.

